

讀白華草堂詩苜蓿集

讀白華草堂詩

苜蓿集卷六

壬寅

鎮平 黃釗 穀生

穀日偶成

歲歲所年驗穀滋家家開甕介春祺
老來飲食方知節閒過昇平但紀時
生世久同人日好命官暫覺酒星移
思量別署蕭齋勝觀易於今取養頤

東隴舟中大風雨遲遲與總制不手

不作魚龍噫其如波浪何空餘飲飛
劍難奮魯陽戈短信平沙雁嚴更急
水鼉頻年憂國甚青鬢可曾睹

魯輿總制奉

詔罷秩歸自閩南晤於東隴舟中

作信宿談感賦

江湖春向逐臣寬
恩重旁觀淚亦彈
人到眼前真見
少任從肩後始知難
海邊遠遠狼烽暗
蓬底瀟瀟蜚雨
寒一樣傾杯同翦燭
不堪提起舊心肝

雨中乘潮抵門關宿觀音堂

二十年前夢朦朧
覺岸登潮田易施
王雲水過流僧塵
案久無蛟漁村近有燈
重來桑下宿風雨促宵興

西舍之西有屋兩間
從販茶戶收回拓而充之
小有更置成二詩紀之

摘葉移春社諫第垢下無有無鼠訟食甚有鴉懷圃

矮桑亦已出踰樹已全身現滿樹覆陰窗仍來眼指鵲巢寧久

占門巷鎖安排

櫻符厨虛設居然易大庖雞肥儒自食養雞廉舍易羊

瘦客休嘲仿帖從醺非開尊且酌飽觀頤求口實當得

夢吞爻擬以隨名齋

予年三十已見二毛四十又六髭留非復予之又

予今又十載矣予日以素髯弗能復為之請爰表

而出之額

黑已不能守唯應何敢辭猶然羞短髮且欲競長眉後

起惟卿秀遲留與我期百年看過半讀易始觀頤

春莫獨往東山并至東巖紅棉落盡春山黯然與

石巖僧慈香話數刻而歸

夢裏梨花出粉牆眼中軟草襯毬場姑啼遍春山黯

魂斷荒邱蔡尾娘

路傍有石碣書前明蔡尾娘墓

桃花上已悵征帆吟

荒涼思不堪蔣詡

稱翁

閉門胡杲

堂嬾紅棉落過紫雲簷

伊蒲饌美記依稀玉簪盤興陟翠微添得石巖僧一個

替他牝虎守禪扉

雲構依山極自然何當逃暑共逃禪碓房開拓齋厨便

擬換茅龍收數椽

秋霖不止入夜聞聲勢甚猛

倒盡天河水如何不洗兵紅燄絕海飛鐵冷怯簷聲破
屋茆難補譙樓鼓嬾鳴頻年沉黯意伏枕百憂生

七夕作

老妻歸我四十年入門對鏡羞嬋娟中間七夕僅十度
雙星下顧亦可憐青鬢蒼鬢迥自喜薄有田園看孫子
當時弱冠今老夫尚有閒情弄耕齒一官自詡安樂窩
飽吸有匹樂則那黃姑織女未渡河小妻雙雙拜牀婆

姚姬年十七
丁卯年十五

七夕後晴霽用晝堂連夕暴雨韻漫成一首

銀浦雲流學水奔，已乾華頂洗頭盆。雁來空碧情天老，
鴨睡生紅氣海溫。仙闕尚餘金馬夢，佛香初返木犀魂。
披幃應惹牀婆笑，禮俗從人酌蠶樽。

潮俗七月七日祀牀婆

秋初至石巖卓錫金頂諸寺示石巖僧慈香

清秋天宇澄出郭，事幽討被田涼。未乾愛此新穫稻，入
山不在深觀海。已自好當時結雲構，山骨斷殊巧石鐫。
靈鬼卓錫寺石巖皆扶皆扶亂詩，洞塞夢神禱。金頂寺神座後有石洞爲祈夢處若
從三教論，儒自勝佛老。山僧木舊家，冠巾反賈島。云何
入道遲，不悔出家早。同遊二三子，瀟灑見襟抱。歸途共

夕陽馴牛飽草

東山紫雲巖中元道場作

豈有高僧匹詵公
蓮臺宏演贊幽功
本無罪業還人道
肯赴功名卽鬼雄
屢鑄酸聲停草望
海壖鹹火閃沙蟲

望仙橋上留衣客

望仙橋上東山書院祀韓昌黎伯

也造車船說送窮

秋初邀畫堂
暨諸同僚集飲東山書院用畫堂韻
井梧槭槭竹修修
天際涼雲郭外流
佳日儘多難得暇
虛堂無暑詎知秋
幽書舊約高朋踐
斗酒新從小婦謀
一樣東山消履齒
眼前誰作謝公游

學圃中草木雜成十二首

榕

厚福享容容樹身且如此他時描鶴巢城野多孫子

梧桐

收香宿桐花顛倒綠衣裳吾方誦卷同期老真鳳皇

棟

開花亦紅紫結實同金鈴老來骨更堅暖風襲濃馨

夾竹桃

亦似君子身而兼美人色內修託宜家外寵成耦國

楮

廣文小散樗譚是不材木爾乃得香名法我盤中藉

月季花 竹

花能月月紅竹亦年年翠處女自不貧先生可以醉

橘 七姊妹

牆角兩公孫牆頭七姊妹吾牆僅及肩窺見可無礙

雞冠

本盼雁來紅乃見雞冠紫老矣何所求雄者固如是

鳳仙

菊身秀而羸有婢肥且壯十指弄纖纖猩紅學宮樣

蓮

不花亦不葉如來空世界非種盜汝名竟爲道學壞

年

種蓮花
葉俱無

茉莉

佛言是鬘華來同耶悉茗聞香少莊嚴悔稱花鬘倖

三七

女郎誇二八力士有三七苗紫復壯青鐵樹此其匹

武夷茶二首

涪州烹點宜州製誰學蘇黃講銚壚慣向閩中傳草木
此間唯識蔡君謨

碧乳輕浮綠脚拖春山茶女各能歌年來劣有蛾眉福
不但清詩仗爾多

石巖爲白牛小隱夏間同陳仲羽履豐姚蓮第鼎

科海秋占鰲梅丞弼賢諸子遊此約共築一樓以

爲春秋佳日風詠之所初冬落成顏其樓曰文起

并賦長句以記

我已不能剏萬間厦大庇天下孤寒者又不能造七寶

樓函取珠玉居上頭學舍如舟愁偏仄年復一年自開

闢西偏破屋八九椽蓋瓦圍牆儘圯飾

東齋學舍淺狹余戊戌後始將

西偏破屋收回圍牆蓋瓦拓而葺之增八九間屋矣松蘿小站櫻筍廚瘦羊作麪

燒花豬柳枝濯濯種庠吏菊花粲粲來生徙生徙三五

劇好事東巖西巖月一至石巖一龕洩靈闕雲構經營

好層累層累層累且築樓海門蜃氣青紅收霏霜積雪
明滄洲練江一白銀潢流昌黎去後一千載我來訪僧
復觀海八代文章已起衰四圍欄楯仍留待巖巒開面
亦有時岑樓自高官豈卑傳燈授鉢彼教遺仰山捫斗
吾從師君不見華嚴樓閣空彈指百尺須從實地起

連日觴客石巖山樓戲成一律

冠蓋遊山意未收簷輿仰面壓危檐別開壇坫圖高會
貪貯煙霞礙小廡僧喜客豪樽有酒官憐丁徹食無鹽

樓前瞰練江滄洲地爲隆井場晒鹽田邇年場丁彫散場官亦食淡矣

眼前行樂仍吾事

一笑儒餐蟹菊羹

去秋移一石置花臺上乃滄涯產今冬復移一洞
庭產與之耦爲賦此詩

謾說非吾偶相依共汝頑胚渾中宿峽秀削太湖山愛
此兩眉嫵得之雙鬢斑有兄立堂下肅對更開顏

榕瓢食蟹戲成二十八字呈竊道人

介胄誰言不可犯我輩口皆喜雌黃橫行豈合在城市
相君之背知無腸

初冬雨夜卽事

浙瀝空階閃爍濡布瓊寒擁數巖更少聽江雨情同昨
老看燈花眼獨明二妾聯牀似兄弟一僮依案亦師生

卅年旅館蕭條况換得而今夢寐清

冬夜與紫莖紫翹二姬小飲作

梅花窗扇菊屏風升斗區區論齋豐大小雪從詩窖過
暖寒宵向酒牀烘燈前秀色餐蛾綠枕畔閒情倚雁紅
便覺老夫饒晚福不須調侃說文窮

冬日漫成

寬然半畝開儒宮金石工連土木工

邇年潮陽有工刻
錫器銘贊者余與

紅棉吟社所製款識經年鐫刻又當
於紫雲巖諸勝地刻石題名并櫺牕

菊壯有如豪宅卷

穀登無異富家翁安心食肉奚妨僭儘力攻詩詎畏窮

吾道非耶聊復爾一鳴且對滑稽雄

曩時吟社落紅棉
卧石還留翠墨鐫
感慨亦應今視昔
流傳敢說後無前
江風海雨僧樓閉
宋馬唐人鬼塚連
尚有講堂充奉祀
黃蕉丹荔薦年年

八代文章孰起衰
閒尋僧話款巖扉
一菴雲白遺牛糞
四壁苔斑繡佛衣
樓閣居然彈指現
笑譚豈復此心違
徐鉉詩半生談心此心違春秋佳日堪提挈
薄宦寧嫌好事非

海濱鄒魯舊聲名
卑邇從來道易行
鄉校願毋論執政
父兄好看作先生
桑枝細拾三升菽
匏葉粗嘗一豆羹
但使儒官能稱職
不須高位辱公卿

初四夜作

古香集 三
海聲起林未脫葉警虛堂星眼掛高碧月眉勾淺黃有
人倚篝睡和我坐更長燈亦心紅者銀釭煮夢祥

次夕用前韻一首

蟋蟀入牀下一燈懸講堂當風桐帽白袈露鞠衣黃犬
吠月墻矮雁來天路長金精亘寒井毋亦兆文祥

方冬五首

方冬水泉涸涓滴盡歸海馬銜一何驕鼓浪吁可駭江
河流易竭陵谷勢疑改畏風歎枯桑葉脫枝盡解鷗汀
有海漁卑栖屋愁矮凌晨掃霜華薄暮看霞采陽春幾
時回雷雨或有待

病久成膏肓綿延且勿藥桂附與黃硝體質視強弱庸
醫乃誤投劇致狂易作衆口尚一詞生平本盧鵠正使
千金方反爲二豎虐後此卽和緩元氣已耗削巨創潰
瘍疽雜症轉疔瘡應悔古方書不早束高閣

夏聲曼竹西秋汎威桃北中原亦多故局外長太息金
銀童男女乘船到鬼國狂龍母亦憤人肉當可食東南
財力竭漏卹幾時塞 聖人自憂民豈有闕袞職杼柚
已告空綾綺勿須織寒號知退毛暫時且過得

我官居海壖時常聞海嘯雨風何有欲我未觀其竅近
聞橫目民嘯聚作海盜此欲詎易盈谿壑非困害海人

肝上金海馬蹏跨竈昔聞其語矣耳邊復吹到

閨中三婦艷席上二豪侍古昔有是人汝豈不能致官
冷覺太奢秩微詫小異天付杞人憂我但楊子爲似聞
鼉錯愚不若范蠡智非人竟不暖有酒尚可醉吾原自
了漢誤國非吾事

寒夜雜感

晚紅收後漸昏黃次第嚴更守夜長天上銀丸虛凍月
人間玉屑實嚴霜參差鴛瓦寒千戶薄脆魚冰散一方
河漢無聲村郭靜雁鴻還集海邊鄉

刁斗聲稀擊柝頻閉門寂若四無鄰跳梁鼠恨銀缸盡

伏壁螭傷石屋貧轅角停時鳥盡宿城頭缺處犬分巡
太平氣候嚴宵警弓月高懸冷照人

懶看台星看壽星杖頭分得一藜青菊梅晚景情兼愛
茶酒中宵夢獨醒老眼向燈仍校字長頭專席且談經
三心五噉司良夜透漏銀光到曲櫺

漢索宮牆月浸龕儒門香火當禪參風情老去蘋婆熟
書味回來諫果甘鍊雪有方燒鼎造釋冰無傳擁爐談
冷官未脫冬烘氣斗轉徒勞望北南

東廨書事

絲竹聲從殿壁聽蠻牆圍住混泉亭

混泉亭在聖殿右階墀有泉雖旱

不新增解供神燈顯舊守家藏聖箋靈鄭書家藏赤足

趨蹌皆學斗蒼髯祠祀亦文星與文祠土地神額曰文叟年來驟覺

芙蓉盛解後自長芙蓉五株人鏡安排內外廳解前宮牆內亦有芙蓉一株

靜觀四首

潛魚辭涸鵲辭乾各抱冬心入靜觀菊似美人無礙瘦

松如冷宦不言寒東家曲笑雙弓熟西舍團焦十笏寬

我自向鷄呼祝祝運租船到共加餐

冰堅霜重沍蕭晨金穴生填土窟春狂又勝癡蜂誚蝶

老當益壯權談椿臺前石愛虛空說窖裏花嫌富貴身

只有寒梅能自了珊珊玉骨葬珠塵

空谷傳聲返聽難
楚然自覺足音寒
砥平路縱如弦直
冰冷門猶作市看
切處事同求劍
亟閑來客似賭
碁殘
多年黃犬人情熟
喧寂無心坐卧安

周旋酬酢枉心情
味到蕭閑一室清
掾列門墻儕弟子
妾排酒食饌先生
詩文兼判皆奇字
菌筍分調盡大烹
養就頑仙成傲吏
官爲家占小蓬瀛

醉竹圖爲晝堂題

原叙武林醇士學士與客偶飲或問古來何人最
善飲何人最節飲學士曰古來惟竹最善飲亦惟
竹最節飲曰何以知之學士曰竹一年只醉一日
合座莞然其言雋永蓋有所諷也余年少性豪飲
無虛日亦無算爵狂奴故態不可一世建武太守
董秋魚主人嘗飲人云觀道人飲使人之意也消

甲午作粵游西南曾抵廉泉東北則至練水縱橫
五六千里皆濱海洋七八年來積受潮濕與當日
狂飲時所蘊濕熱併而成疾不特不勝杯勺而量
水平藥亦復始無虛日悔何可言今夏竹醉日梅
雨敲窗榴風窺戶掩抑不樂斟酌爲歡適梁野熊
君梧岡來訪知其夙精繪事因取學士之言寫其
意而爲之圖既覺前非宜志後悔學士之言可謂
愛人以德矣圖成遂付裝裱因疏其崖畧如左

百花生日君生朝此君遲生九十日君於此君實先生
轉欲虛心受其益善飲節飲無如他學士語妙如東坡
此君醉後當大笑先生小恙非沉痾我知此君殊不俗
我與先生俱耽麴不鶴秋猿相友朋左花右竹自昭穆

句用

晚左秋浦師

通德間同式談經樹遠彫兩楹尊夢奠五福富文饒庭

戶餘蘭桂門墻少艾蕭委心歸大化負手起逍遙

師撤瑟之

日晨興尚負手逍遙於門外

小字呼函丈猶聞詔德麟

余小字

白頭今弟子高足愧同

人有淚悲常樣

余與仲弟同就業門下

無緣祝大椿寢門遙哭顰

抱道儼冠巾

讀白華草堂詩

苜蓿集卷七

癸卯

鎮平 黃釗 穀生

春正餉橘甚富且甘美異常成二詩示

紫荃紫翹兩姬

江上租庸收萬戶山中奴婢擁千頭橘官更比鹽官富

老渴安心作醉侯

十二朱盤映翠觴三人求橘說繇祥

三人求橘本魚氏易林

安州

漫詡千房蜜甜到中邊手愈香

初四夜觴客喜雨有作

夜酒正酣時檐聲落四垂十分和夢足五色助春爲已

有太平象未妨開歲運去冬即望雨澤明朝囑園吏檢取籀龍移

學椽鄭霖廢圃中有慎火樹今春遍身綻粒開花

如榴子詩以詠之

菩提淨體貝多心瓦礫堆來勝布金丈六身兼千手眼
法華幻作火珠林

仙人掌自類齟齬佛子身初綻粟膚同是生來同禦火
龍堂粒粒有紅珠

漫說欒欄似夜叉不須桃梗亦祛邪太平御覽閔資考
明日輕身水母花懶少太平御覽一名水母花明日輕身

火河南燭各爭奇似汝含苞少有之我待花開再丁卯

尙須二十五年遲

鐵樹丁卯年開花余嘉慶丁卯鄉舉中副車

次韻奉酬錢古坤同年

景唐

并訂上巳之遊

篋生蟬粉甌生塵喜我疏慵諒我貧詩國橫行來健者
醉鄉直道見斯民休嫌嶺外重重驛且盡杯中盎盎春
難怪主人傾蓋合乍交僮僕亦相親

檐聲不了屐聲閒菱角傳牋數往還暗暗天如巴峽雨
明明人似越州山逍遙襟抱同莊列遊覽篇章擬謝顏
準待晴和當上巳紅泉翠磴好同攀

題占坤海山行脚小影

虎林人作虎溪笑本來面目廬山肖我亦天池栖遯僧
說到前身共絕倒海山本在堯率天脚跟立定來人間
雲濤插足並真際奢摩他路非禪關君不見蓮花天都
九百仞儒門自有幢精進貝葉菴中膝許盤蒲團石上
跌嘗印又不見毘舍耶居隔海洋曾從彼岸渡慈航此
邦自昔稱龍伯我法何須演象王古坤嘗遊黃山并
渡臺灣王講書院暫
歸未欲栖靈鷲詩國還來島佛瘦提鞋結襪向曹溪携
得衡雲滿衣袖自楚南回首津梁我已疲要尋卧佛自
皈依且將住脚看行脚漫把儒衣認衲衣

三月望後一日同八爲壺樛會於紫雲僧舍古坤

畫堂皆有詩二律因成五古一首

巖香草似薰海霽帆如葉僧房詎花房蚊睫交粉睫砧
頭肉按譜席面酒較獵各開太常齋同繙右軍帖鴨九
玉糝搓鹿脯銀七聶果盆捧荔奴蔬盤出茵妄葦甲意
皆新庖丁心共慙紅棉古瘡花白足今迦葉從參榻上

禪細數廊間屨

古坤有海山行脚小影

鬢絲風悠颺扇影雪疊摺

花深鶯恐捎泥乾燕妨接野僧漫白眼醉客自紅頰金

錢破費常玉屑談理浹十圍腹懸壺五寸面呈樸道人

畫

堂粲玉齒老佛展金靨此會等蜻蛉

埤雅蜻蛉尾端亭午則停時諸君將

移幕借此爲
停頓之義

相邀捉蝴蝶

穀雨後二日史寶甫

致華

招同人續遊東山古坤

倒疊畫堂前韻二首見示奉和

埤壚石銚近相招絕勝五巖井應潮調水無煩僧驗竹
聽風仍喜客團瓢壓橋碧嶂從高瞰褰絮紅棉待暖飄
話到西湖寒食過夢因還欲問參寥

水仙祠

珊瑚屑和詰多泥天半朱霞泐舊題色界故應紅不壞
淨根轉覺綠能齊蝶來佛地忘身幻人下僧樓記指迷
一片夕陽去山遠耳邊誰聽蟪蛄啼

菰畦紀夢圖爲楊硯芬觀察題

武侯菜向營田栽鄴侯芋向僧寮煨漢唐相業託蔬菰

豈惟夢弼資鹽梅公今結想詎幻哉羅浮萬本梅花開
月明如畫憶行部石樓一夢聞鐘回風和日暖熙春臺
行園之樂重徘徊松畦百弓數椽屋壯青肥白同藝薑
於文少取通上下自是公望兼公才當年丁固夢彷彿
冬心尙未回春芽凌寒不彫耐霜雪農師字義今兼該
陸農師謂松凌冬不彫久耐霜雪
四時常見有松之操故字從松圭田有自卿以下采
地或足酬釣台儒官自顧真樗材小園苜蓿叢蒿萊堂
前蟻穴空老槐上階蝴蝶閒飛來泥芹雪韭自糲懶晚
煙朝雨公滋培

李雪樵太守

敦業

西涼撫番圖

君不見孔姑臧當年清節孚氏羌去時牛馬器物論千
萬數百里外環跪羅送如羣羊又不見范武威勸課農
桑興學校能使烽煙息邊徼任延韓褒宣績相後先首
禁侵漁弭凶暴爾來復有隴西公信義遠服邠連東黑
城紅寺嚴堡堠龍堆虎落歸牢籠眼前羣蕃皆赤子鵲
居蛾伏同巴賈單騎繪公出圖中嗅地膜拜蕃僧從爾
田久作虞芮訟厥忿釀致蠻觸攻爲汝判之毋終凶若
崩厥角歡聲同瓊廬毳幕蓋若穹馬乳牛酪進一鍾吹
簫擊鼓謳公功蕃民非蠻貊蠢蒙公今諭我開我胸臆
嘻乎山有旄牛水有兕旄牛易馴兕則匪粵人延頸公

矣

珠海泛槎圖爲雪樵太守題

漫疑神女弄珠遊一櫂靈槎海上浮
迴首函關應西笑不教文梓化青牛

舜華夫人畫牡丹

銀鈎玉版十三行羅襪凌波是淡粧
染得雲裳竝霞帔眞如身似現花王

鞞紅冠子淺黃衣勻靨初完待畫眉
自有生春京兆筆不須婢工買胭脂

吳興梅莊茂才廷蔚

卅角能文舉茂才羣公爭賞說龍媒如何不上金臺選
但向香閨詠玉臺

藥裹茶匙近十春如柴瘦骨歎勞薪西風一樣芝芙夢

不是偷生姓李人

梅莊配爲李卜臣郡博季女性貞順工詞翰梅莊易簣後痛哭絕而復甦

誓以身殉翁姑苦勸諭之意稍解有詩哭梅莊云日落黃皆竟轉迷莫雲慘淡不勝淒夜臺若許重相見仍作

鴛鴦一處棲

倚門人已逼華顛汗淚雙揮六月天一陣哀蟬助淒咽

病軀扶上運瓜船

梅莊頻年在郡城謀館穀依婦翁家病劇妻與子始買舟回里抵家次日

逝卽

嘔血年來爲苦吟奚囊詩亦似黃金

梅莊好吟而稿多散失卽今

遺篋重搜取乞米書多當帖臨

硯田犂确歉難豐安命猶能守固窮地下修文差勝否
人間辛苦授童蒙

學俸無能助斗儲廿年師弟誼何如且留老眼收酸淚
看汝諸兒讀父書

奉和張茶農明府山樓集飲原韻

覽作山中半日留喜聞譚論似陽秋養魚趣向杯中得
招鶴圖從筆下收豈有贈衣挂巖洞且看被服滿汀洲
十年三度雲萍合到此纔攀杖舄游

原作

但得名賢足跡留尋常泉石亦千秋何來欄楯憑
虛出更有烟雲滿望收四海知心數山谷一樽同
話對滄洲海天蒼莽京華遠不禁臨風感舊游
立秋前一日雨至中元節夜仍不止率成二詩

五日沉酣盡插秧卧聞簷角尙淋浪老夫着屐自歡喜
新種櫻欄高出墻

羹飯衣錢待施孤黑風盲雨攫來無九幽亦有監門者
應上曹司勾業圖

將之羊城順道挈二姬回里夜泊後溪守風潮作
桃葉桃根共笑歌似聞江水許分沱那知咫尺鷗汀渡

擬渡鷗汀
背小港

先要隨郎拜孟婆

秋江尙未老芙蓉遠道無須唱惱儂敲枕四更傳好語
夜潮來趁鯉魚風

急水塔

衆水將趨海兩山迴抱潮誰能此勇退自顧未高標地
亦從鼇戴天仍共雁遙似聞法幢豎猶有百靈朝

廣濟橋

去歲被水衝圯
過半尙未修復

洪水何年碣橫流劇至今翻疊神力大烏鵲衆情深
艇蕭條甚鹽官疲累尋公私財並竭誰鑄厯山金

自韓江至艾埧雜成十五首

浪急蔡家圍風狂近夕暉自非漢陽土偏聚鯽魚磯

河濁水落脚天清風轉頭流黃

卽留

當夜織小婦不須

愁

傍晚慈溪宿鄰船有蠶姑同同小河去客貨雜乾魚

日午轉南風布帆一齊發不作留仙滯都學淩波韞

明月清煙翠彷彿梅花村一白萬蝴蝶共宿石樓門

俱得護身佛薰來心字香桃花帶根葉雙楫趁慈航

頭巾安中間插花在左右

蝴蝶蓬布帆三幅中爲頭巾左右爲插花

不嫌郎

習氣自憐妾姿首

三河抱一城宛似吳綾束兩幅繫郎腰雙行纏儂足

慈雲應識汝佛是汝家尊大小華鬘擁陰那侍者孫先

母邱太孺人歿後托巫言
身為陰邪山觀音侍者

松口產離支儂來已過時橫山魚自美晚飯等郎炊

千百珍珠迸攢來丈八門秋山曉粧竟頰面注金盆

誰唱大塘曲人家烏夜啼鳬翁頭自白水宿尚雙栖

此是大雷岸往來當去聲寄書靄嶺語
鍾氏妹祇今女嬃在徐氏
姊今

年六十
又四銀鬢各蕭疎

河聲聽如吼跋尾記吳興淪茗推篷坐閒談管道昇新
鋪

陂宿竟夕河聲如吼
推篷坐月自饒清味

今夜看心噉樓高傍月明團團小山桂近水露華盈

孤舟夜泊興寧水口下里許

此是吾州路沙邊鷗尚馴水柔情抱岸風善意親人遠
夢中流檝涼宵大火晨明明天上月曾照海無塵

七都河

岸低沙自圓陂平車亦轉維此七都河就深可就淺舟
下如舒鳬沒階趨而善舟上若貫魚哆口勢可展輕隨
越鳥飛重豈異牛喘目送神且怡心赴力能勉昨從小
河來頗疑水性懦沙石異剛柔舟子語亦典流以涇渭
分味有淄澠辨懦者情亦狎强者理可遣

自七都至崎嶇雜成

乘桴誰是御風材海上帆多各自開且學羽人撐一葉
祇今清淺卽蓬萊

水月相揩一鏡瑩三篷減到兩篷輕七都河入流沙界
爲有餘波始得行

蟹爬鳥篆舊痕多翠竹江村轉轉過輕載有時行不得
舟人愁說鴈鵠窩

聽水聽風且莫愁自來長樂可無憂只須少費篙工力
安穩行人抵上流

三家村識尊夫子一個錢知感大王石古王難怪自稱長
樂好蕨竿甜盡老人鄉

萬竿綠竹俯清流
樗糞濃煙白未收
一尺髻高農婦少
稗棚架下自拴牛

畫家漫詡大青綠
繞郭山多童且頽
八角危樓半圍堞
故應標作赤霞城

編竹爲橋尺許寬
往來人過說平安
不須防到蛟涎滑
騎上蒼龍脊已寒

三堆糞

地名

隔石春白

鎮平地名

兩地遙遙萬疊山
盼到九秋

香稻熟行人包飯抵柴關

水轉山彎攔淺舟

粼粼

灘石碎光流青溪無復當年妹

都上芙蓉古岸頭

雲帆同年攝篆嘉應順道就謁留宿州解抵崎嶇
後奉寄

如公豈藉然明告惟我深知子產仁耕讀風堪圖竹馬
陰晴天好字梅人刀饗風戒傳賓友翦燭宵談肅鬼神
一路口碑聽過嶺故應私幸是州民

八月十四夜舟抵惠州登合江樓拜坡仙像作

舊居合江樓

樓懸坡仙舊居額

新居白鶴峰首尾勢相顧蜿蜒

如翔龍雙城斷腰脊玉帶橋聯虹新居舊有亭肅公坐

其中鳥雲間紅日明月當清風

亭中舊有侯官劉心香先生令歸善時集公句

樓舊居近新煥江樓復祠公靈鼇夙奠極磨蝎初移官

我來值中秋天水搖清空公如照鬢眉定爲百坡公
漁火見深夜三五明星紅譙樓睡老卒棋院醒青童神仙
自多情應在豐湖東

十五夜下南舟中賞月

離海無塵翳橫江此素暉夜隨龍女靜年值兔兒肥令
節看甯負深杯賞不違閨中明鏡滿可夢上天飛

夜泊牛欄圍

南岡頭遠愁夕暉逆潮敢趁輕鳧飛水村有港落幄入
黃頭云是牛欄圍東西涌口門不扉蟹艇結巷如珠璣
洛陽女兒對門居編竹近是搖船非晚粧不復俯明鏡

跣足自作凌波妃停舟失喜得與境弓彎一曲團煙霏
水羅松排一字過如墻如闕如簾幃綠荷包袋蒼玉玦
水田漫詔同僧衣海珠叢中一塔巍參差雪屋螭殼肥
邇來鷓鴣冠聚沙渚客雁皆畏虞張機此間泊船得穩睡
夜半敲火村船歸岸鷄伺潮五更起海霞破曉晨光微
順潮到濤復出濤細憶清景忘朝饑

登粵秀山應元道觀感賦

劫灰飛不到星壇蓬島依然得大觀天上麾幢娛鮑女
雲中鷄犬媚劉安柰花過去罡風弱藥鼎傾來永雪寒
但向終南傳劔術可無人去轉雙丸

羅浮藤杖歌爲家笏山播雍教授雙壽作

我聞兩山合體爲羅浮鐵橋貫之通石樓有藤天矯如
黃蚪云歷萬年春復秋我家地仙本散隸躡屩身輕恣
游戲何人斲藤製爲杖持贈殊難却其意出入指爪鏗
有聲用以杖畫地資談經諸生奉几侍宵旦道是然黎
太乙星山桃稱壽何須諱龍公竹盛生同氣葛陂化龍
詎異聞君不見鮑姑尚有仙蜨幫

秩滿赴驗小住穗城已將匝月清游雅集幾無暇
日歸舟迴溯雜成十二詩以誌爪跡

賢良有詔負公車秩滿還來公府趨多謝羣公商薦牘

儒官祇合抱儒書

觀察硯芬楊公方伯石琴黃公中丞晴峯程公皆欲保舉余辭焉

官居南粵儒林長人是東方曼倩流留我橘中看對奕

閒來拊掌話滄洲

家笏山年八十一矣為廣州教授留予下榻於學廨殷勤倍至

博士矜羊脩未缺

余與陳敬山何門生鰕鮠議都諧鍾崑山皆為校官

山崔書農家星洲皆授徒並已卯同年

眼前酒食先生饌小會齊年亦大

佳

紅雲宴罷水雲閒重見飛樓結海山難得風流許丁卯

茶檣酒幔列花鬟

許冰渠邀飲荔支灣

花埭經年放艇過薜蘿門逕近如何勞君為我來城市

眼底傳人未覺多

張南山避居花埭以予居鄰學東齋數入城見訪

小榭評花菊已稠

重陽前一日家香石邀至寄園看菊

明朝重九續清游

香石及門張君邀余與蓉石登王山作重九

水魚金雁同吟望一派宗風山

響樓

澄之不清清不濁吾家風愛老文緣難禁日下江河感

丁卯回頭近冊年

文緣丁卯舉於鄉予是科中副榜

五馬黔中賦載馳授書仍啟廣川帷

仇典堂同年出守黔中令子健亭學

博時爲越華監院

坐中近接陶謙語閒却孫郎帳下兒

席間晤陶柳村

監州爲言孫小薌明府近况未能出山

丐詩求畫癖原迂掃地梳頭好不麓併作碧雲天末想

淨名經上美人圖

余藏仕女圖一幅丐諸知好題名

清時循吏合公卿錯節盤根老更成莫怪當筵歌哭迸

古來文苑半狂生

家蔡石邀同馬止齋陳仲卿家嘉甫溫伊初譚玉生夜集寓廬

久別方知乍聚歡厨中一櫛亦同餐夜深互看燈前影

誰是窮儒是達官

曾卓如同年權督閩中以他事罷歸得晤作竟夕談

迴帆鼓動待抽帆珠海沉沉夜漏嚴難忘人天維繫意

酒痕粥漬滿征衫

登舟三日始解維五夜輒市魚生粥啜之甚美

東江二首

盜賊非無見羣公亦有憂中乾甘諱疾外侮苦包羞寶劍難為用明珠不易售眼前紛哨艇都作弄潮遊

十日循州道茫茫共覺長嚴宵星照野畏路客連樯霧

黑藏茹嶺燈紅出蕉鄉側聞官府語慎勿犯豺狼

聞溫翰初農部之訃慟成二首

五十纔登第文難與命爭爲郎易白首有弟早華纓路

豈蓬山誤

翰初進士引見上初以庶吉士用次日乃改主事

名空菰苑榮蓋

棺無長物仍是舊書生

江東鄉獨秀少小卽神交梅里通魚訊芹泥羨燕巢

余

少時聞翰初補弟子員其尊甫澹村先生致書先君子余卽爲之傾企

茫茫千古歎艸艸

卅年拋無限黃壚慟燕吳遠近郊

哭兩生弟

兩生歿於官京師久無信來聞臺灣已得信

地隔一重海死生尚然疑傳來消息眞涕泗旋交頤憶

余甫髫歲叔父官偏裨急裝過具會買馬向邊陲執手
見吾父悲喜不自持勉作數日留每食共盤匜敬兄若
同胞執壺傾深卮爾時我侍側聞君亦岐嶷自我歸故
里君常有書遺問訊兼切磋玉石相礪治及余試京兆
叔父升都司天門誅蕩開客店停駒驪長跪問起居更
問弟何其學業精且勤斯言非譽兒已卯竟同舉叔父
喜可知嗟予父見背羨君自銜悲明年君北來漸鴻慶
羽儀把袂卽長跪哆口渴與飢飢渴廿餘年始得慰慕
思春官同報罷又各天一涯叔父文武材年少舉義旗
殺賊若薙艸穿經同射皮過庭輒訓鯉入海常剿螭參

戎開大幕盪寇提偏師伏波觸瘴癘馬革仍全屍三年
君居憂奉母不忍離丑年始登第釋褐踰丹墀

御筆注分部乞歸遂烏私叔母終天年供職來已遲冬
官掌營繕陵工日奔馳又兼綜水衡河工患浮糜君
乃益密勿從事不告疲分校詔曰可禮闈秩華資卿

相曰君才提督審厥宜梁棟方待用蘭蕙寧遽萎胡然

應巫陽乘豹從驂狸憶余出國門握別雙淚垂丁寧揀

石斛封裹曾致詞

余出都時雨生言家鄉產石斛甚佳因封裹寄京

經年斷覆

書聞君口疰羸憂君疾已深事繁恐難支坐此竟不起

未稔月日時同華

雨生次子

我家秀先後同折摧茫茫共泉

路勞勞棄孤嫠先塋阻臺海魂魄安可追聞當僑福州
傳言尚參差當年招隱語故山歸有期何期白首難并
少青山背豈眞王事瘁無以臣家爲我忝二年長不材
老堪傭精力縱未減齒髮漸就衰中年哭兩弟笙調琴哀尚
未霜侵髭今也雪盈頭哭君將焉之桑榆景卽佳伊誰
共遊嬉浮生等駒隙雙丸速推移海東月自升海西日
已墮叶

入龍源江舟行戲詠所經由塘舖

學堂

古文

距學堂八塘

經兩宿纔上學堂來若使船如馬應同下

乘材

枕頭寨

睡起日方午江干橫枕頭舟人炊飯熟談笑說封侯

藍口

紉心同置驛藍口自成墟釣艇磯頭聚方冬獺祭魚

遞軍水

中古稱神禹功符水德王五行看遞運江色有予黃

魚子石

翕翠霏藍精蒸雲泄雨奇蘆灰能止水莫是女媧遺

將軍硤

草木皆兵日將軍號敢當如何寵九曜甘去作降王

柳城

細柳漢時營居人號作城沙邊儘兒戲大樹獨無名

白面石

虎頭飛食肉

虎頭江距白面石五里

白面爾書生漫把心腸轉空

潭似鏡明

夜泊將軍碇下雨聲竟夕不寐間作

崖黑逢先掩江昏酒未沽見燈船影並聞雨客心孤此境偏長夜吾行出畏途明朝盼晴霽宿鳥暗相呼

陳侶蘅得端石硯六因搆一軒貯之顏曰六友屬

賦

人生重石交得一亦已足君何善擇取獲此端人六當年米海嶽茹庵數椽築所處石丈人袍笏對之肅君今將毋同一軒構石屋陶然對六友冠帶從頂東覓句同閉門叩響若攻木謂此六君子質皆比金玉我因訪友來一笑入空谷廬乃異蝸牛巢自同鸛鵒

胡畫堂以清修圖屬題爲賦二詩

碧玉浮筠自琢磨儒門宗旨異禪和心虛定與心空別解識思摩勝負多

修到梅花待幾生此君質地本來清斲成三尺手如意

構就一菴心太平

奉懷雲帆同年四首

共飲吳公水東洋萬頃渠至今歌樂利在昔少犂鋤夏
木嚶嚶鳥春池育育魚呂防考工法相望果何如

蠻觸憑谿寨夷氛駕海航六年全苦李四至稅甘棠星

月從披戴誅勦盡莠稂辨香四民共偏在讀書堂

潮陽人士

奉公長生祿位
於登龍講院

被棉恩自厚采葛緒同縈私爲梅人喜公來竹馬迎培
風朋借翼浣雪女懷貞寬猛仍兼濟心平使訟平

父母兼師友情深且弟昆濟常共舟楫惠豈但壺飧顧

我真樗散知君念菊存蒼生方屬望未可矢邱園

坡公生日設笠屐像於學舍西偏之頤齋供饌留
客集飲適得余除授待詔之信賦詩及之

玉堂本天上香案自人間是佛皆同禮非仙亦近頑
筵圍高足盤屋架打頭椽髣髴精羈聚旃檀一炷絲
勿爲官所腐且與墨相磨高論原如此長生究若何
猶憐棧中豆約薦澗邊茅不是庚寅降應殊屈氏騷

讀白華草堂詩

苜蓿集卷八

甲辰

鎮平 黃釗 穀生

七載

芻蒿未茁茹芹乾七載園公愧素餐邱壑天成嵌較易

石巖築樓一座

門墻地限拓應難

學廨西舍新闢屋七間

閒來正好評瓠

史歸去猶堪作橘官一事關心當局外市中米價似長

安

教諭積俸十餘年推升內秩可得翰林待詔余去

年以報効得之劉生

秦初

寄詩來賀賦答

集賢院有九品官廣文且作本分看積十年俸亦可致
余去歲六年初次俸滿加積十年亦可推升早十年得聊自寬

鄧高密可郡文學韓昌黎爲國子師非躋進亦非恬退
知白守黑雄守雌

頭銜雖加冰一條羊且不肥馬敢驕翰林主人莫戲侮
吾裘黑貂非紫貂

劉生劉生從吾遊處女未嫁將白頭肝也賀貧子賀賤
余髮種種何所求

武林李桐村力助先世從龍入關以武功著至桐村

乃好文學長於詩久客都門骨肉彫喪遂不能歸

道光乙酉卒於京邸寄園友人吳雲帆均經紀其
喪卒歸櫬武林葬焉遺稿皆雲帆爲之蒐輯繕寫
將謀付梓蠅頭楷書不下千餘首聞桐村人品超
越凡庸然如延陵君高義亦無遜乎挂劍之風矣
短衣從射虎破帽學騎驢任俠歸何有枯僧迹乃如詩
傳兒著代花萼妾同居此是桐村傳龍門小史書
生死交情見延陵挂劍心蠅頭繕遺稿獬首別祇林不
盡紅桐淚眞成苦李吟千秋賞音在知是半枯琴

縣齋下榻卽事寄簡稻翁廢齋

躡身巖壑裏詎謂訟庭閒鶴似家鄉聚榕眞骨相蠻出

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

墻峯自衍當路竹從刪午睡沉沉熟居然得閑關

四照堂仍榜官居傳舍如頻來披試牘余五次來嬾去

討刑書南礪風誰繼益都李南礪文藻曾官湖陽令邑乘稱其勤農造士信循良儒吏也

四照堂乃南礪書榜東山意自舒余時仍主講東山書院劇憐池水涸難覓

舊紅蕖

老相公祠

黃定公殉節事見前集縣廨堂後所存木箱迄

今二百年纖塵不着知毅魄所憑者著矣署中

香火人稱爲老相公祠

刑名先生能作崇荒唐說似搜神記見孫綽韓非靈語先生讀

律最精嚴忼慨捐生明節義無盡燈懸一龕屋汗青別
載幽冥錄一泓井出千頃陂澄之不清渚不濁鼎湖悵
望當年弓瀚棠開讓紅棉紅衣裳在笥塵不封鼠竊亦
知老相公

大將軍廟

縣廨後北倉夾道有大將軍廟破屋半間祀老
榕蓋數百年古樹也

紅棉如火標赤幟將軍燭庸之苗裔半間屋比蔓蕪亭
漢室中興此馮異筋力堅強福澤厚何年立功乃不朽
王侯將相夢豈無松生腹異柳生肘盤根錯節成輪囷

一丈十丈跨楓人君不見蔣侯骨青當爲神如大將軍
乃其倫

寄懷西岡別墅主人

魯輿開府歸連平後
築別業於西郭居之

一品閒人九品官當年同是有心肝北山催取移文去
猿鶴於今影不單

大小臣俱稱職難難禁外侮爲中乾腐儒人下將安用
祇望軍中有范韓

放足便誇奇女子平心獨許聖夫人

來書中語

狂奴妻妾都

稀幸囑買鴛絲繡个臣

南郭東山詎不如西岡別墅賦閒居雁紅館有支離叟

待借湖山狎鳥魚

潮陽得雨

噎噎蔽驕日鈴鈴聞喜霆崩雲驅鶴隊破雨挾龍腥秧
地栽猶及桑林禱尚靈天終祓災沴爾好洗頑冥

市價朝來定商船海米通廟巫曾有告社鬼敢言功荒
月祈豐歲當官羨寓公山樓且邀客喜雨一樽同

石巖張公祠成

差同子厚祀龍城鬼物青紅廟貌成此地可堪圖赤縣
其身實爲殉蒼生海埂尸祀惟驅厲嶺表魂歸且築塋
月前其孤象極
藥極始護喪歸猿鶴悲吟蕉荔熟一樽相酌淚從傾

苦雨

負我連宵月池蓮冷不禁四垂天醉夢半月雨荒淫淨
白濛濛罩昏黃淅淅陰海邦愁墊隘幸勿侈爲霖

喜晴

荷整雲鈿蝶曬衣碧琅玕外漏炎暉小妻理篋彈梅黥
順檢榴裙試帶圍

小園行藥氣氤氲艾葉蒲根濕翠雲欲採離騷作香譜
商量試取藹車熏

雨仍不止感作

五行漢志据殷疇宗正何因驗咎休花木亦防恩澤過

禽蟲同軫溺飢憂甚愁鄰國當爲壑不但均堂待造舟
天癘祓除農又病可堪一白困耕牛

雨中雜詠小園卉木四首

竹

新筍穿泥節節長幾時成个作簣簵冷厨自有花豬肉
不用當官取瘦羊

佛桑

開時焰焰欲燒空却爲重陰困祝融好語安榴同少待
瘴雲消盡日方中

檉

風伯雷公間助囂灌壇令下疾如潮雨師莫自誇身手
更要低頭並折腰

野芋

墻角陰陰野芋青本無求雨況求晴詩人合共羊桃詠
無樂無憂過一生

汝陰大人行

光州易公

中孚

守潮時棉陽有大獄起街巷洶

洶闐闐盡闐訛言四起延及黉門公聞馳至鎮
撫綏靖士庶牧安越今七年矣公已觀察高廉
余亦卸司鐸任因念宮墻棟幹栝栢皆公功德

林也青青子衿固當尸而祝之矣

汝陰大人熊豹姿手銅虎符擁一麾惟韓昌黎之所治
曰潮之州臨海墮此邦有鯁涵鯁鯁實惟昌黎始驅之
更延趙德爲之師士篤文行今不衰有頑悍者皆蚩蚩
蠻觸之鬪無已時喜人怒獸官鄙夷謂此不可教化施
繫公力大心慈悲斬蛟殪虎公優爲海潮普揭從轉移
幾幾道路無拾遺惟山曰韓木蕨蕤士皆絃誦薈於斯
公言昌黎昔有規業精於勤荒於嬉行成於思毀於隨
著雍閭茂值歲維棉陽四民慘不怡闌闌爭競非刀錐
伯有來矣走且追有鳥出出如譖譖有虎出柙人爲犧

議食其肉寢其皮民之訛言互信疑泮林豈有鴉與鴟
何至此厄歸宣尼公免胄入不介馳民有生矣今始知
公馬如騏驎如絲周詢周諷曰何居青青子衿毋自危
爾掃爾榻下爾帷公治非辜縲繼靡誰爲此禍吹填箠
若爲伍伯當囚繫若爲橫梗當鞭笞區以別矣若有思
田間有蔓無使滋通夷與販窠有私覆之絕之毋漏厄
保其善良無缺虧斯倉斯箱仍京坻春臺共登民熙熙
燈牌十字當街騎銀花火樹紛蛾兒頌公勝帖非諛詞
祝公福壽同無涯公爲男子固自奇自云年少殊不羈
鐵鞭卅斤一手持六經過目不再披識字豈爲項籍欺

自公退食常委蛇畫松間作鱗之而氣魄雄毅真力彌
猗嗟餘事妙若茲文武吉甫非公誰公今銅柱標旌旗
棉之人士渴且飢狀公功德兼鬚眉擬紀於碑塑於祠
公曰不可誰則宜河陽汝陰雖分支嵩高二室合不離
公鄉先儒韓昌黎河南人公所儀泰山北斗同昭垂

重五日蓮第倩人畫鍾馗見貽

畫貓日主金危危穴鼠無敢窺琉璃唐家武舉能食鬼
華清圖像雄鬚眉說夢此豈癡八癡前身版築非公誰
流傳至今爭繡絲五月五日日午時繼道子作研喻糜
褻衣博帶儒而武手搖扇乃從高麗朱砂蝙蝠飛相隨

福善之意吾知之姚生好古兼嗜奇風義尤篤友與師
貽我此幅醉重五相對快酌黃金卮掃除六合同斗室
爾我夙志今霄墮日神月將晃執殳看公腰劍韞虎皮
蓮第讀書秋樹根小影

六根宗旨別禪門儒者眞修在本根坐到樂深更牢固
眼前枝葉不須論

白荷花四首

水珮風裳不可招鷺盟鷗約久相要並根種有依清淨
本色身原去飾雕儘有鴛鴦宜福祿詎無菱芡盛根苗
外家孫下丁公拜葉葉相承永不祧

釵鈿當風自護持
細調鉛粉洗胭脂
五湖白足嬖嬌姊
六月黃鬚祿壯兒
持咒早教離火宅
尋根猶自記天池
消除怒恚餘貪愛
擎出于闐辦玉卮

歌詞采采復田田
皓白歡情勝少年
心苦爲詩甘代茗
量高客酒下如船
魚經一卷精盧誦
鳬席重茵相府憐
閑向西園訂飛蓋
浮瓜沉李午開筵

峯下巖開禮佛龕
芬陀利有別塵凡
現來法界三身相
領到華臺九品銜
翠苗合教參淨果
冰絲剛好綴涼衫
似聞萬杵重洋裏
嘗徧千年海味鹹

六月二日蓮第約至紫雲照水簾亭追暑

繁星綴石磴，斷虹噴珠漱。丁冬水晶簾，捲亭當中。
森然似入馮夷宮，鰲柱架脊圓如穹。佛臍砌作卍字臂，
羲和走馬按雪騶。海塵飛白不敢紅，無魚無蛟或有龍。
涓涓自與銀河通，蓬萊清淺同不同。幕天席地皆可容，
爲君吸盡玻璃鍾。

解組後携二姬移榻種龍養鳳之窠，檐翠周遮鳴
蟬四合，疎星入牖。涼雲着几，是小安樂行窩也。得
消夏詩十四首

金錢窗眼翠交加，棟影幢幢屋角遮。養鳳種龍當日願，
不教穿鵝更藏鴉。

展笛眠琴有侍姬
簾紋簾影合參差
耳邊蜩蛄青林樂
自向風前理瑟絲

雲鬢蓬鬆雪腕舒
日長消得睡工夫
紫紗袍舊須重曬
金線拈來綴蟬鬚

朱橘宜壺雪色甌
眼看魚蟹聚浮漚
小龍團是甘州貢
破睡新封作醒侯

淡竹清荷甘菊花
卯時酒過午時茶
作羹手撒品鹽慣
草筍黎祁糝子蝦

玉凍方瑩瑤凍圓
井華水浸澈中邊
蔗漿未要夫厨賜

新造唐家學士軛

惠來人以蔗糖造作軛樣

長盡貓頭豹脚飛香羅幃外篆香霏纖纖一握櫻桃血
恰較猩紅指甲肥

階草青紅雜翠藍茸茸益母與宜男新添銀蒜將簾押
屈指根苗紀十三

銀蒜小
婢名

六甲靈符鎮命宮驪珠在抱敞蘭胸鏡臺照見雙盤紐
身是冰髯老螯龍

珊瑚屑膩水晶瑩小印如冰翠琢成認取頭銜好私喚
蓮花內翰竺清卿

戲繡真州說妍媸但識簪花衛茂漪提起九成宮避暑
昵伊纖手界烏絲

小名一樣列琴笙

余有竹外具名曰琴娘

可信香桃骨鏤成聽說

夫人是慈氏衾裯同抱免宵征

雷聲隱隱接潮音龍睡鼉醒海水深一夜電光敲石火
照他雌魅與雄吟

清露晨流日上遲玉盤盂重手雙持藤牀白足同趺坐
可識蓮根是本師

自信

自信直如矢安能爲詭隨曾叨一日長莫恥七年師行
有銅堪式文猶玉待治刑書官吏鑄閉戶我何如

當日遊鄉校諸生悞信書譜幾同市虎殃竟及池魚悒

士碑仍臥貪夫貨可居狂瀾誰共挽一櫂渺愁余

宣講和平日欣逢令尹賢議將雷嶺水瀦作斗門泉役
動千夫鋪渠開萬頃田微勞慙記載教養事難全

自昔稱鄉魯人文盛海濱衣冠仍楚楚俎豆亦莘莘束
脰蠶兼薏修儀介竝僕齊民殊習染士氣故應淳

縝介陳文範陳吉堂明經名履道徜徉蕭子莊蕭楓鄰明經名宸名皆重

閭里兒竝列膠庠送酒擔蠻榼移花築短牆時常瞻殿
壁同是魯靈光

西舍纔新闢零星檢俸錢漫云同傳舍大好泛觥船花
木皆幽雅琴書自靜便困豚逐鷺鴨多藉王翁賢楓鄰

八代衰從起巖居時一樓置身須百尺瘞齒倘千秋
瘞齒於石巖文起樓後風浴吾徒共冠巾彼教留騎龍人自去好
與鳳勤修

私意東山石留鐫博士墩名心篲蠹筍宦味棊餘根料
理辭官牒流連餞客樽便歸仍不遠文字許重論

石巖過茶農張公祠感作

倚巖種樹望徒賒

去歲六月予觴公於文起樓
公擬於樓前後遍種梅桂

叢桂寒

梅劣有枿碧火巢空聲響絕祠門開遍刺桐花

初秋稍涼檢理舊篋得盛子履贈秋浦師五言古

詩一紙愴然於懷因次其韻以誌感傷

感君昔奄逝得自彥輔書

往年得潘彥輔書始知其逝

頻年斷音問

無因詳起居夫子惜其終美其能永譽未知子若孫可
能鋤與畚夫子近俎謝梁木歌痛余尙喜櫝硯留文孫
傳緒餘人稱通德門我頌季明廬我今將六旬少壯百
念虛師友多古人懷抱益不舒近始獲投簪安能復曳
裾聞雞想膠膠夢蝶來蘧蘧朝來埋陳篋讀此幾漣如
秋風催脫葉颯颯鳴階除潘兄亦長往不朽空躊躇

附子履作

太冲嗜著作卓犖觀羣書龍威古珍秘丈人山隱居
平生守樸學不炫時世譽賢關關堂奧道畎勤菑畚

諸生集才彥一一足起余香鐵得師傅美富窺三餘
載酒州元亭立雪南陽廬獨我隔山川負笈此願虛
聞君窺西河懷抱鬱不舒我本同病人悽然淚盈裾
達觀慕蒙莊寡過慚衛蘧生前了無補身後將何如
惟願惠教益鄙吝爲之除一詩附江鴻竚立空踟躕

延秋小集詠七夕

欲渡詎無梁翹翹鵲喜忙河邊自兒女殿上共君王
果何年設人天此會長蜘蛛聊戲爾風露昨宵涼
女織男耕義幽風流火時寓言天帝詔本事我公詩
鵲
臣三年別鴉巢一木支塹橋同網戶附會等傳奇

七月十五夜作

爲按摩耶腹從披玉局肝幢邊金粟界江上水晶盤夜
覺光明苦人方衣食難多情定仙佛集福仰齋壇

七月十七先嚴忌日志痛

三十三年慟呻吟負藥湯體遺已斑白名隱憾焚黃生
我天垂老成人日掩光眼前仍獨立涕泣向蒼茫

幼女幾霜鬢

鍾氏妹

孤兒早雪髭百年剩兄妹兩地哭嚴

慈骨肉庭闈引孫曾世代推屈嬖歸到未

徐氏姊今滕四月病逝

下定追隨

勿藥庵曉坐

引疾後易齋名爲勿藥庵

一官垂老棄萬象入秋清淡外疎花對閣中健竹鳴有
書堪小隱勿藥許長生偶涉園門去仍來瘦蝶迎

秋早

碧雲澹澹雨疎疎徑艸園花喜沐梳惟有雞冠太矜寵
纓珠弁玉豈階除

雁過長天霞脚開西風瑟瑟早涼催枝鳴葉語青黃換
尚有童荷出水來

枕上戲成二首

閉門種菜田生玉補屋牽蘿櫝韞珠便作富家翁度日
不須出海網珊瑚

鷺黃酒與紅酥手睡覺牀頭一笑時添得老夫顏色壯
爐金十萬鑄奇兒

補陀僧奉大士像航海至潮陽募化既設香花供
養感系以詩

小小荷兒結葢幢補陀海換養魚缸慈容未覺生歡喜
本島狂龍尚待降

猿鶴沙蟲委海塵金剛四大聖賢身

謂陣亡四總戎葛君雲飛王君錫朋

鄭君國鴻謝君朝恩

韋馱含憤低眉佛免胄終爲護法神

謂裕靖節

眼前小劫歎滄桑蛇豕狼貙竄道場龍女善財齊着惱

惡香男女阻慈航

一葦杭來到岸登破鞵做衲托殘僧掃龕薰被非求福
祇爲靈山感不勝

二妹詠

虞姬

楚宮羞說門腰肢駿馬駛來弱骨奇一劍自完長命草
九歌同譜斷腸詞大王視季猶巾幗小婦如卿合繡絲
畢竟重瞳好苗裔湘夫人節誓相隨

綠珠

玳瑁梁摧落燕雛墮樓恨劇碎珊瑚匹夫冤鮮懷中璧
侍婢招搖斛裡珠且喜胭脂非辱并依然歌舞侍齊奴

憐他椒殿重昏婦司馬家兒解恨無

躊躇行爲任月坡明府荃作

矢念薄簪紱委懷在琴書
旬折腰尚非願屈膝當何如
昔君宰三水養民如養魚
水既清不渾魚亦腴不枯泊
君宰茶陽啜茶如啜茶
茶甘自可嚙茶苦亦可茹
仕學本一源巧拙成兩途
相逢針艾投面目同眞
吾眞亦能悞人躊躇幸躊躇

題徐韻生孝廉

維城

西湖放歌圖

徐郎徐郎對酒當歌歌當哀
我不能如浣花老叟拔爾
抑塞磊落之奇才短衣射獵
未合北平老麻鞋繭足却

向南荒來示我一昔圖天鏡當空開水精亭閣玻璃堆
爾時徐郎手擎琥珀盃抽取珊瑚筆架松枝材喻麋一
斗灑向十丈苔笑如天口閃赤電泣爲瓊瑰盈其懷魚
龍起舞燕雀猜是何年少折花臨水重裴褰放爲長歌
短歌雲詭波譎相排厖我讀徐郎歌但識徐郎哭海天
萍寄等一粟偶泛西湖托寒綠生小淮平長句曲暫向
鮑邱僦茅屋祖亡祖硯傳父沒父書讀徐郎徐郎歌且
謠斷竹續竹飛逐肉海頭逐肉鳥畢逋鳥啼夢覺愁西
湖徐郎徐郎收此圖君不見釣鼇東海之客無窮途